

MBONADZO

 Na hovhu vhuțanzi na ulimuwa ha khaladzi ashu o ḥuwaho, ndi nga takalela u sia haya maipfi, nao. Fhethu hanga ha u thoma ha u ḥangana na muṭa wa Bell ho vha hu munna wawe, Jimmy, we a vha e khonani i re tsini na khotsi anga vho no ḥuwaho. Huno zwenezwo u da ha miñwaha, nda vha mushumeli nahone ndo dowelana na Khaladzi Bell, huno ra mu ḫivha sa Mukriste wa vhukuma. Rothe ri do mu ḫuvha, huñwe na huñwe. Zwi a leluwa nga maanda u amba maipfi kha muñwe a no nga yyu, ngauri a ni tei u kokodzela murahu tshiñwe tshithu. O vha e zwe zwa ḫodea u vha Mukriste.

² Musi ndi tshi pfa khaladzi a tshi imba, tshifhinganyana tsho fhiraho, zwi tou nkhumbudza u imbelela hawe hunzhi nga maanda, vhunga ri tshi mu ḫivha u mona hafha. O vha a tshi funa u imba. Ndo takala nga maanda uri hezwi zwo itwa, ngauri zwa vhukuma zwo ita nga ndila ye Khaladzi Bell o vha a tshi do di pfa ngayo. U do takalela u ḫivhonadza nga iyo ndila. Thabelo yanga, na thabelo i fulufhedzeaho ndi, uri rothe ri do da magumoni a ndila na vhuțanzi vhu no nga he a vha naho.

³ Ndi tama u vhala zwiñwe kha Luñwalo hafha, tshipida fhedzi. Ndi pfa uri o vha e mufunwa muhulwane wa Ipfi la Mudzimu, huno Ipfi Lawe ndi la U Ya Nga Hu Sa Fheli nga maanda. Huno ndo elekanya uri ndi do vhala tshipida tsha ndima ya vhu¹⁴ ya—ya Yobo.

Muthu o bebwaho nga musadzi ndi wa maduvha a si gathi, nahone o dalaho vhuleme.

U bvelelavhunga dzuvha, huno la tumulwa: u ḥuwa sa murunzi, hunoa si tsha vha hone.

...naa u a vula maṭo au kha o raloho, huno wa nn̄disa khatuloni na iwe?

Naa ndi nnyi ane a nga bvisa tshithu tsho kunaho kha tshi songo kunaho? na muthihī.

Ngauri maduvha awe o vhewa, tshivhalo tsha miñwedzi yawe tshi na iwe, iwe wo mu vhetshela mikano ine anga si fhire;

Mu ḥanutshela, uri a awele, u swika o no vuledza, sa mushumeli, nga ḫuvha lawe.

Ngauri hu na fulufhelo la muri, arali wa reñwa fhasi, uri u do vuwa hafhu, na uri matavhi masiwa ha nga gumi.

Naho mudzi wa oma kha ḫifhasi, na tshiguthe tsha fa kha mavu;

Fhedzi nga munukho wa madi u do tuma lurere, huno wa bveledza . . . sa tshimela.

Fhedzi muthu u a fa, huno a tuwa tshothe: ee, . . . u fema mufemo wawe wa u fhedza, huno u gai?

Musi madi a tshi kundelwa u bva lwanzheni, huno wone mudalo wa fhela nahone wa oma:

Ngauralo u ya edea, huno a si tsha vuwa: u swika matadulu a si tsha vha hone, a vha nga vuwi, kana u vusiva kha khofhe dzavho.

O uri iwe u dzumbe kha vhida, uri iwe u mbeye npe ha tshidzumbe, u swika maduvha a mbiti dzau a tshi fhela, . . .

Arali muthu a fa, naa u do tshila hafhu? maduvha othe a tshifhinga tshanga tsho tiwaho ndi do lindela, u swika tshanduko yanga i tshi da. Ndi . . .

Iwe u do vhidza, . . . Ndi do u fhindula: iwe u do vha na lutamo lwa u ita mushumo wa tshanda tshau.

Ngauri zwino iwe wo vhalela maga anga: . . . iwe u lavhelesa tshivhi tshanga?

⁴ Ndi tshi vhala kha Ipfi la U Ya Nga Hu Sa Fheli, ndi tama ri tshi elekanya ipfi lithihi lwa tshikhalyanya, huno ilo ipfi ndi: *Mbonadzo*.

⁵ Hu na vhutshilo vhunzhi nga maanda vhu no vhonadza. Huno a hu na muñwe a no tshila kha lifhasi nga nn̄da ha uri ndi tshifhinga-de vhutshiloni hawe tshine a tea u ima huno a elekanya nga hune a bva hone, ndivho yawe ndi ifhio hafha, na hune a khou ya hone nga vhuya. Muñwe na muñwe u a funa, u do takalela u sedza seli ha xarađeni.

⁶ Ndi tshi vhala hafha zwi bvaho kha Bugu ya kalesa Bivhilini, Yobo, uyu khotsi, o vha a tshi khou lingedza u wana itshi tshithu tshithihi. Huno o vha a tshi khou nea fhedzi u sa vha hawe na nungo ha Mudzimu, a tshi bula uri O vha e vhu—vhutshilo nga murahu ha lufu.

⁷ Rine nga tshinwe tshifhinga ri a pfa uri, musi ro livhana na tshinwe tshithu tshi no nga itshi, uri izwi ndi zweþe. Fhedzi a si zwone. Ndi u shandukisa. Ndi yone . . . ligi nth̄a. Ndi u fhira u bva kha vhuñwe vhutshilo uya kha vhuñwe.

⁸ Huno Yobo, ene muporofita, musi o vha a tshi khou elekanya nga ha izwi zwithu, o zwi limuwa kha vhutshilo ha mupo, vhutshilo ha tshimela, vhutshilo ha muri. Ngauralo o vha a tshi khou dzhiela nzhele uri, nga ndila ine Mudzimu a fanela u vha kha tsiko Yawe; uri arali O ita tsiko, zwenezwo U fanela u tshila kha tsiko, ngauri O i ita hu na ndivho, uri Ene muñe a tshire ngomu, vhunga nn̄du ine munna a do i fhaþa. Uvhu vhutshilo vhuñku vhuswa vhu re kha tsiko yoþe ya Mudzimu vhu langwa

nga Muiti waho. Huno o vha a tshi khou elekanya, uri, arali dumbu lo da nahone la wisa muri wa maanda, naho zwo ralo, uho ho vha hu si magumo a uyo muri. U do tshila hafhu. Arali muri wo fa, u do tshila.

⁹ Huno zwifhinga zwinzhi, musi ro daða, arali ra nga tou lavhelesa u mona na riñe, ni nga vhona Mudzimu hothe-hothe. Zwino ri do Mu dzhia, vhunga kha muri, arali muri wo vhewa hafha.

¹⁰ Huno tshiñwe na tshiñwe tshi fhano u shumela ndivho, vhunga ri fhano u shumela ndivho, sa zwe khaladzi ashu a vha e zwone fhano u shumela ndivho. Roþhe ri fhano u itela ndivho ya Mudzimu, arali ri tshi nga wana uri iyo ndivho ndi ifhio huno zwenezwo ra i shumela zwavhuði. Henefho, ngoho, arali Mudzimu a na ndavha lwo edanaho nga muwo ya vhutshilo ha mupo, U na ndavha lwo edanaho nga muwo ya vhutshilo ha muthu.

¹¹ Ngauralo Yobo o dzhiela nzhele, vho-khotsi, uri—uri muri, arali wo fa, wo tshila hafhu. Huno nga ndila ye tshilimo na vhuriha zwa shandukisa tshivhili tshazwo, huno ðuvha liñwe na liñwe henefho zwa sia vhuñanzi. O dzhiela nzhele arali mu—muri wo vha u tshi khou tshila tshifhingani tsha tshilimo, huno hu vhonala nga tshifhinga tsha vhuriha wo fa, maþari o nembelelaho kha muri.

¹² Zwino, ri a funzwa kha Luñwalo, uri, hu na Muri wa Vhutshilo. Wo vha u ngadeni ya Edeni. Huno uyu Muri wa Vhutshilo ndi he Vhakriste vha nembelela, sa þari kha uyu Muri.

¹³ Huno zwino nga tshifhinga tsha vhuriha, musi maþari o naka, mulandu, a...Kana, nga tshifhinga tsha tshilimo, kha ndi ralo, musi maþari o naka nahone e madala, nga murahu ha tshifhinganyana khuli i ya da huno ya a fha mivhala yo fhambanaho, huno a wa kha muri. Huno vhutshilo vhu humela murahu kha tsinde la muri. Arali ra nga tou dzhiela nzhele, ndi tshithu tshi mangadzaho.

¹⁴ Hafha tshiñwe tshifhinga tsho fhiraho, ndo livhana, u amba na munna we a ri ndi ene a sa tendi, a sa tendi. Huno ro vha ro ima tsini na muri wa muapuña we wa vha u wawe. Huno nda mu vhudzisa uri muri wo vha u wa kale hani, nahone a mmbudza miñwaha minzhi nga maanda, na uri ndi volumu nngana dza maapuña dze wa bveledza ñwaha muñwe na muñwe. Huno itshi tsho vha tshi kha tshipida tsha u ranga tsha Thangule, huno nda divha, nda dzhiela nzhele uri maapuña o vha o no thoma u wa, huno maþari o vha a tshi khou shanduka buraweni. Huno nda ri khae, “Ndi do takalela u ni vhudzisa mbudziso.” Nda ri, “Ndi ngani ayo maþari tshi vha buraweni nahone a tshiwa kha muri phanda ha musi phepho i tshi kwama?”

¹⁵ “Zwo luga,” a ri, “ndi vhuria vhu no khou da. Huno tshi itisaho uri a vhe muronzhe ndi ngauri vhutshilo ho ṭutshela ḥari.”

Nda ri, “Vhutshilo ho ya ngafhi?”

¹⁶ Huno a ri kha nne, “Murahu mudzini wa muri, hune wa bva hone.”

Huno nda ri, “Naa itsho ndi tshipida tsha u fhedzisela tsha ḥari?”

¹⁷ A ri, “Hai. Uvho vhutshilo vhu do vhuya tshifhefho tshi tevhelaho hafhu, na ḥari liswa.” O vha a sa athu zwi dzhiela nzhele u rangani.

¹⁸ Nda ri, “Zwenezwo, ndi rabela uri u mmbudze, muñe wanga, uri ndi vhufhio Vhuṭali vhu no bvisa iļo ḥari kha muri na mutsho u sa athu rothola, huno ha rumela vhutshilo halo murahu fhasi ngomu mavuni, u itela tsireledzo, u swika kha u da ha inwe khalañwaha. No vha ni tshi nga dzenisa mađi kha bakete huno na a vhea kha pala, na khathihi a i nga si shanduke nga khalañwaha. Ngauralo zwi sumbedza uri hu na Mudzimu A no langa vhutshilo.”

¹⁹ Huno riñe vhane ra divhidza Vhakriste, vho bebwaho nga Muya wa Mudzimu, ro ralo, nga tshilidzi tsha Mudzimu, a tshi bva murini wa lufu a ya kha muri wa Vhutshilo. Huno musi linwe la maṭari li tshi wa, vhunga ndo pfa uvho vhuṭanzi u bva kha... hetshi tshivhidzo tsha vhudi, kha tshivhidzo tsha Gilt Edge Baphuthisi tshi re tsini, hune vhunzhi ha khonani dzanga dza vhudi ndi mirado, he linwe la maṭari atsho a wa. Ri a zwi divhya uri vhutshilo ho humela murahu kha Mudzimu O vhu neaho u itela inwe ndivho, u vhuya fhedzi hafhu nga mvuwo ya nyangaredzo; na khathihi u si tsha wa hafhu, kha Nwahagidi. Tshifhinga tshihulwane tshi khou da.

²⁰ Yobo o dzhiela nzhele izwi zwithu. Zwenezwo a dzhiela nzhele vhutshiloni ha ḫuvha.

²¹ Arali ni tshi do dzhiela nzhele, nga matsheloni, ḫuvha li a ḫavha, ndi lushie. Masana aļo a shaya nungo. Zwenezwo li dzhena kha miñwaha ya vhuswa hatsho, i tshi ḫodou rwa awara ya ḫahe kana ya fumi nṭha ha tshithoma. Zwenezwo nga tshifhinga tsha masiari, vhukati ha ḫuvha, hu na nungo dzalo. Zwenezwo li thoma u kovhela, huno mafhedziselonи la kovhela hafhu Vhukovhela, vhunga li tshi fa lwa ḫuvha. Naa ri nga vhidza izwo vhufhelo ha ḫuvha? Hai. Matsheloni a tevhelaho, li dovha la vhuya murahu nṭha, u qisa ḫuvha liswa u itela riñe.

²² Zwino, naa izwi ndi mini? Ndi mbonadzo ya Mudzimu. Huno ipfi mbonadzo li amba “u divhadza vhuđipfi.” Ndi tsumbedzo ya Mudzimu... ri divhadze kha riñe, u ri tendela u divhya vhuđipfi Hawe kha riñe, uri lufu a lu ri fhandekanye lwa U Ya Nga Hu Sa Pheli. Ri do vuwa hafhu, ra vhuya murahu hafhu.

²³ Tshifhinga tshothe tshire mbeu ya fa kha lifhasi, nga u wa ha nwaha, u tou fana na haya maluvha, vhone, mbeu thukhu dzi a wa khavho musi mahada a tshi vha rwa, huno mbeu i tsela fhasi mavuni. Huno sa zwi mangadzaho nga ndila ine zwi nga vhonala, naho zwo ralo ndi ngoho, Mudzimu ndi a sa gumi lune Ha pfuki tshiñwe tshithu. U na mutevhe wa mbulungo wa dzuvha Lawe. Nga murahu ha musi murotho wo no a kwama, zwenezwo hu da mvula dza na, na miłodzi mihulu, ya mashotha a mvula, a rotha u bva ḥađulu, huno a vhulunga iyo mbeu ya liluvha, gagadedzela, huno khañwe li tsa intshi kana mbili fhasi kha mavu. Zwenezwo mimuya ya u rothola ya vhuriya ya thoma u dzhena, huno—huno maluvha małuku o ḥuwa, na tsinde lo ḥuwa, huno mudzi wa xwatuwa huno wa oma. Huno zwenezwo mbeu thukhu ya xwatuwa, huno luđi lwa bva khawo. Huno, mulandu, nga tshifhinga tsha tshimedzi, ni nga si wane tshiñwe tshithu tsho salaho tshatsho.

²⁴ Fhedzi naa ayo ndi magumo a dzuvha? Na khathihi. Lo vhewa hafha hu na ndivho. Huno musi zwo shumela ndivho yazwo zwavhudzi, zwenezwo Mudzimu a tshi ri tendela u ḥivha, nga dzuvha, mbonadzo Yawe kha riñe.

²⁵ Vhunga zwi na vhuñanzi uri ḫuvha li sendela tsininyana kha lifhasi, u disa masana a dudelaho, no vha ni si nga dzumbe uvho vhutshilo huñwe fhethu. No vha ni tshi nga vhu fukedza nga tombo. No vhuya na dzhieila nzhele musi ni tshi vheya khonkhiriti yanu nga tshifhinga tsha vhuria, naa hatsi vhugai nga tshifhefho? Henefho u mona na ḥodzi ya khonkhiriti. Ndi ngani zwo ralo? Ndi uvho vhutshilo vhu re fhasi ha tombo. Musi ḫuvha li tshi thoma u ḥambisa lifhasi, ni nga si kone u fara vhutshilo. Vhu do wana ndila yayo ya u bva fhasi ha khonkhiriti huno ha imisela ḥohoh thukhu yaho n̄ha, u renda Mudzimu, ngauri ḫuvha ndi mvuwo. Lone d-u-v-h-a ndi mvuwo ya vhutshilo hothe ha zwimela. Ni nga si vhu dzumbe tenda fhedzi ḫuvha la vha li tshi khou penya.

²⁶ Lone M-u-r-w-a u vhonala u nga, zwifhinga zwinzhi, u vha kule. Fhedzi musi A tshi thoma u penya, “Duvha la zwivhuya li do ḥavha na phodzo kha phapha Dzawe.” Huno vhutshilo vhuñwe na vhuñwe, zwi si na ndavha uri ho vhulungwa gai, u tsa u guma gai, vhukule vhu ngafhani madini, kana kha mułavha, matomboni, i do mela kha ya vhugalani ha Mudzimu.

²⁷ Ngauri, Mudzimu u khou vhonadza kha riñe, a tshi khou ri sumbedza zwine A khou ita. Ndivho yawe ndi ya u ri sumbedza, nga kha maluvha, nga kha ḫuvha, nga kha miri, nga kha vhutshilo hothe, uri Ndi ene mvuwo na Vhutshilo. Mudzimu u vusa Vhutshilo Hawe musi vhu tshi vuledza ndivho Yawe.

²⁸ Huno arali luvha li tshi shumela ndivho yało, huno Mudzimu a na mvuwo ya dzuvha, zwingafhani kha khaladzi ashu ane a shumela ndivho yawe vhutshiloni. Mudzimu u na mvuwo ya avho

vha no shuma ndivho yavho. Ri nga wana ndivho yashu huno ra vha shumela.

²⁹ Aya maluvha małuku, ni nga di vhudzisa nga hao. A fhano, masiari ano, u shumela ndivho. Izwo ndi zwe aya maluvha, Mudzimu a vha e nao u itela zwone, u shumela ndivho. U ya phanda na u ya phanda zwa kona u tshimbila.

³⁰ Arali na dzhiela nzhele, aya maluvha a si muvhala wonoyo muthihi wa maluvha. A fhambana nga muvhala, zwi tshi sumbedza uri Mudzimu ndi Mudzimu wa dzitshaka. U takalela mivhala yo fhambanho. U i tanganyisa u ita ngade ine A i funa. Mudzimu, Mudzimu wa dzitshaka. U na maluvha Awe matshena. U na maluvha matswuku Awe. Huno Yawe, mivhala yothe ya maluvha, nahone a tshi khou a vhea fhethu huthihi zwi shumela ndivho Yawe.

³¹ U na thavha khulu, na mivhundi miłuku, nahone ho waho. U na masoga. U na lwanzhe. U na muri wa muouku, u na muri wa mutshevho. Tshinwe na tshiñwe tshi tshi tangana fhethu hatsho, hune, Mudzimu, Mudzimu wa mupo wothe a nga tshila nahone a diphina nga tshivhili Tshawe, sa u tshila kha zwivhumbwa Zwawe nga tshifhinga, zwine zwa khou shumela ndivho Yawe.

³² Arali A tshi elekanya lwo edanaho u vusa izwo, huno a ita ndila ya u ponya kha izwo, u itela tshumelo tshifhingani tshi daho hafhu, ndi zwingafhani zwo engedzeaho zwe A vha nazwo zwa vhathu, hu sa londwi uri ri vhonnyi, lushaka-de, muvhala, ndaela, kana zwiñwe zwinzhi, vhane vha nga dzula vhothe kha vhuthihi ha Vhuhone ha Mudzimu na phaþutshedzo Dzawe. Hu do vha na mvuwo, linwe duvha, vhunga zwi na vhuñanzi u fana na musi hu na mvuwo ya luvha. Roþhe ri a vhona hezwo. Roþhe ri a tenda hezwo. Ri a zwi ñivha uri hezwi zwithu ndi mbondzo zweþhe. Vha khou tanziela, vha tshi ri vhudza, vha tshi ita, vha tshi ñivha vhudipfi ha uri Mudzimu u þoda ri tshi vhu ñivha.

³³ Vhathu vho rumelaho aya maluvha, khonani dza khaladzi ashu vhe vha ruma aya maluvha, vha khou ñivhadza-vho kha muta, vha tshi vhonadza khavho zwauri vhudipfi havho ha u pfela vhuñungu ha khonani, ya khaladzi, kana—kana o fuñwaho. Vha khou lingedza u bvisela khagala. Ndi mbonadzo, vha tshi ñivhadza, u tanziela tshinwe tshithu.

³⁴ Zwithu hezwi zweþhe zwine ri nga amba ngazwo, lwa dziawara, u vhonadzwa ha Mudzimu kha lushaka lwa vhathu, zweþhe hezwi zwi na tshipida tshazwo, huno zwi tshi tambo nga ndila yavhuði. Luvha linwe na linwe, muri muñwe na muñwe, u tavha ha duvha linwe na linwe, u kovhela huñwe na huñwe, tshinwe na tshinwe tshi tambo tshipida tshatsho zwavhuði. Fhedzi uho u vhonadzwa hoþhe ha Mudzimu, hu tshi ñivhadzwa kha riñe, huno a tshi ri nea tsumbo, ya uri O vha a tshi khou yo ita mbonadzo khulwane linwe duvha, mbonadzo ya U Ya Nga Hu Sa Fheli.

³⁵ Zwenezwo A ri rumela tshifanyiso tsho vhonadzwaho Tshawe, nga tshivhumbeo tsha Murwa Wawe. Mudzimu o ruma Murwa Wawe, nga tshifanyiso tsho bviselwaho khagala tsha Ene mune, u divhadza lushaka lwa vhathu zwe A elekanya nga riñe. O shandukisa tshivhumbeo Tshawe. U vha muthu. U vha muñwe washu.

³⁶ U bva ha Mudzimu, Khotsi wa U Ya Nga Hu Sa Pheli, u bva kha Musiki muhulu We, phanda ha musi hu tshi vha na shango, o dadzwa tshikhala tshothe, tshifhinga. Ho vha hu si na na hone—hone vhulapfu kana tshikali tsha tshedza, nahone ho vha hu si na athomo kana molukhulu, O vha a tshi kha di vha Mudzimu. Huno tshifhinga tshothe U do vha Mudzimu. Fhedzi Uyo muhulwane We... Arali ni tshi nga sedza ntha vhusiku huno na vhona naledzi kha sisteme ya duvha. Miñwe miñwaha yo fhiraho, ndo vha ndi na tshikhala tsha u lavhelesa kha hetshi tshikoupu tshihulu, huno hune vha ri ni nga kona u vhona miñwaha ya milioni dza ñana na fumbili ya tshikhala tsha tshedza, tshikali tsha tshedza. Huno seli ha izwo hu kha di vha dzi miñwedzi na naledzi na mashango, dzine A langa.

³⁷ Huno zwenezwo O vha e na ndavha lwo edanaho u ita mbonadzo kha rine, a tshi divha uri U muhulwane nga maanda. Naho two ralo, O tsela fhasi nga tshivhumbeo tsha muthu, u vhonadza zve A vha e zwone. O vha Munna wa mañungu, a dihwaho nga vhuñtungu. O tshila vhuñtshilo ha muthu. O vha a si na fhethu ha u siamedza ñohoho Yawe. O vha a tshi khou bula zve La vha li zwone, zve Mudzimu a vha e zwone. O fhodza vhalwadze vhashu musi ro vha ri tshi lwala. O vusa vhafu, u sumbedza uri O vha e tshifanyiso tsho vhonadzwaho tsha Mudzimu. O vhea pułane fhasi u itela rine roñhe, uri hune na rine-vho ra nga sedza kha hedzi mbonadzo ñuku huno ra vhona Mudzimu. Zwenezwo ri nga kona u sedza ntha huno ra vhona u vhonadzwa huhulwane ha Mudzimu, huno ra vha na vhuñanzi ho khwañhaho, zwenezwo, uri musi awara idzi dzi tshi da, aya a si magumo azwo.

³⁸ Ndi a takalela mbonadzo ye khaladzi ashu, kha u imba, a amba tshifhinganyana tsho fhiraho, "Uyu ndi khaladzi anga. A tho ngo kona u lu imba nga iyi ndila nnñani ha musi o divha he a vha e hone." Ni a vhona?

³⁹ Hu na ndila ine ra divha hune ra khou ya, ngauri tshifanyiso tsho vhonadzwaho tsha Mudzimu tsho vhea iyi pułane fhasi. Huno, O ri, nnyi na nnyi ane a do ñanganedza ino pułane u do vha na Vhutshilo Vhu Sa Pheli. Yohane 5:24 yo ri, "Ane a pfa Maipfi Anga, huno a tenda kha Uyo we a Nthuma, u na Vhutshilo ha lini na lini, huno a nga si dzhene Khañhuloni; fhedzi o bva lufuni a ya Vhutshiloni."

⁴⁰ U vhondzwa huhulwanesa ha zwe the ho vha hu Yesu Kristo, We a ri itela ndila. O khunyeledza nahone a khwañhisizedza u bula

hothe ha uri aya maluvha, na vhutshilo ha mupo, na zwiñwevhō, na ñuvha, na sisteme ya ñuvha, zwe ḥanziela phanda ha U Da Hawe, uri ho vha hu tshi khou da Ene O Lugaho a no do ri ita uri ri Li tende ro khwathā, ngauri U do vha tshifanyiso tsho vhonadzwaho tsha Mudzimu. Huno musi A tshi da, nahone a ita zwe A ita, O sumbedza uri uhu u bvisela khagala ho vha hu hone. O vha nea khwathisedzo. Ngauri, vhunga luvha li tshi vuwa hafhu, muri u a vuwa hafhu, ñuvha li a ḥavha hafhu, ngauralo Mukriste u do dovha a vuwa. Zwi tea u ralo. Ngauri, Mudzimu, nga tshifanyiso tsho vhonadzwaho tsha muthu, kana muthu nga tshifanyiso tsho vhonadzwaho tsha Mudzimu, o zwi sumbedza nga mvuwo Yawe.

⁴¹ Zwenezwo, ngomu henefho, musi mporofita a tshi vhona izwi zwithu zwi tshi itea; Yobo, musi a tshi vhona vhutshilo hothe ha zwimela, na zwiñwe zwinzhi. Zwenezwo, riñe vhane ra ñivha Bivhili ri a zwi ñivha. O dzula kha tshiulu tsha miora, kha mutsiko, thaidzo dzo vha dzo mu tshotela. Mirado ya tshivhidzo tshawe yo mu vhudza uri o vha a . . . o tshinya tshiphirini.

⁴² Tshifhinga tshinzhi zwe ambiwa, uri, “Muthu a fa tshifhinga tshi sa athu swika, kana tshiñwe tshithu, tshine tshi nga vha tshivhi tshe vha ita. Vho ita tshiñwe tshithu tsho khakheaho.” Hu si . . . Izwo a zwi ngo ralo kha Mukriste.

⁴³ Musi a tshi vhona iyi khulwane, mbonadzo ya u fhedzisela, Mudzimu a tshi khou ñivhadza pułane Yawe nga kha Yesu Kristo, o vhidzelela nga ipfi. Musi dziphenyo dzo taidza na mibvumo yo vhomba, a ri, “Ndi a ñivha uri Murengululi wanga u a tshila, nahone mađuyhani a vhufhelo U do ima kha liphasi. Huno naho nga murahu ha musi tshivhungu tsho no tshinyadza muvhili wanga, naho zwe ralo namani yanga ndi do vhona Mudzimu, Ane nda do mu vhona.” O vhona uho u vhonadzwa ha u fhedza, miñwaha minzhi ya mađana i daho. Fhedzi, e mporofita, kha bono o vhona u da ha u vhonadzwa huhulwane ha Mudzimu.

⁴⁴ O kona u sedza fhasi huno a vhona mvuwo ya mbeu. O kona u vhona mvuwo ya miri. Huno mvuwo ya ñuvha, nga murahu ha musi lo no shumela tshifhinga tshało, nahone la vuwa hafhu; shumela ñuvha, lo yuselwa liñwe ñuvha. Maluvha a tshumelo ya mbulungo nthihi, a fa, nahone a vuwa u itela tshumelo ya mbulungo ya munwe. Tshinwe na tshiñwe tshi khou shumela ndivho yatsho. Zwenezwo a vhona, hu re tshikhala, u Da ha uyo O Lugaho, huno a zhamba, “Ndi ñivha uri Murengululi wanga u a tshila.”

⁴⁵ “Nama yanga i do awela nga fhulufhelo,” o ralo Dafita, “ngauri A nga si litshe Uyo Mukhethwa Wawe a tshi vhona u sina; nahone A nga si litshe muya Wawe vhudzulavhafu.” O vhona ilo ñuvha, uho u vhonadzwa ho fhelelaho ha Mudzimu,

zwe A vha a tshi khou yo ita; u divhadza, kha munna, uri lufu a si magumo a ndila.

⁴⁶ A ya a si magumo. A ya ndi mathomo. Ndi magumo a maṭungu. Ndi magumo a tshifhinga tsha tsheo. Fhedzi ndi u ranga ha tshifhinga tsha dakalo na malamba. A si magumo a tshiñwe na tshiñwe. Hu tou vha magumo a—a zwithu zwi faho, u thoma tshithu tshi sa fi. O ya kha vhuawelo hawe. Mudzimu o awedza maya wawe.

⁴⁷ Zwino, o vhidzelela uhu u vhonadzwa huhulwane, ngauri o vhabona zwe zwa vha zwi tshi khou yo bvelela.

⁴⁸ Zwino kha ri de kha magumo aya. Ro kuvhangana fhano ñamusi, u—u vhabona, kana u divhadza vhudipfi hashu nga ha mudzulatsini, nga ha khaladzi, malugana na mufumakadzi, nga ha mme. Ndi ngazwo ro kuvhangana masiari ano; u divhadza, u vhabona zwipfi zwashu, u xeletwa hashu. Ndi ngazwo ri fhano, u ita hezwi. Khotsi vha tea u vhabona u xeletwa nga mufumakadzi; vhana, mme; mudzulatsini, kana khaladzi.

⁴⁹ Riñe vhashumeli. Vhunga ndo vha pfa, fhasi kha tshifhaṭo, ri tshi nea avho vhavhudzi, vha vhugala, maambiwa a khuthadzaho, a re khagala, zwe khaladzi a amba khavho, na kha tshivhidzo tshavho. Riñe vhashumeli ri a da, masiari ano. A hu na zwiñwe, mbiluni dzashu, ri pfa ro ḥungufhala, na riñe-vho. Fhedzi ro da u divhadza u vhabona ha Mudzimu, na riñe-vho, Ngoho Yawe nga ha iyi thaidzo yothe. Ro da u vhabona zwine Mudzimu a amba nga hazwo, u khuthadza mbilu dza vhatu; u vha dihvisa, naho zwo tshuwisa zwihiulu, naho zwo ralo li kha mveledzo ya Mudzimu Ramaandaothe u zwi ita nga heyi ndila, huno ndi pułane Yawe. Huno aya a si magumo. Uhu ndi u ranga ha vhutshilo vhuswa.

⁵⁰ Zwenezwo riñe vhanne Mudzimu a funza kha Ipfi Lawe, nga ha hezwi zwithu, ri da u vhabona hashu. Huno ndo takala uri ndo fhira hezwi masiari ano, uri roṭhe ri kone u bvisela khagala tshithu tshithihi kha Ipfi la Mudzimu, ngauri o Li vuledza.

⁵¹ Khaladzi Bell, vhunga ro mu divhafha thaberenakeñeni, a funeaho, mukhethwa, musadzi wa Mukriste, o ita tsumbedziso yawe, nae-vho. O divhadza zwipfi zwave nga ha Mudzimu. Vhunga ndo pfa nganeavhutshilo i tshi vhabaliwa, tshifhinga tsho fhiraho, na phanda ha musi Mukomana Jim a tshi mu mala, ndi a kholwa, fhasi ngei Tennessee, o dzhia tsheo yawe. O vha na mbonadzo yawe. Ngauralo, ndi vhuṭanzi. Huno u ya nga hune nda divhafha, u bva kha ilo duvha u bva tsheetsho, a zwo ngo vhuya zwa guma u ita uho u vhabona. Khamusi, ñamusi, vhunga kha dziphasedzhi dza Tađulu, huñwe fhethu hangei kha mafhethu a U Ya Nga Hu Sa Pheli a Vhugala, a tshi khou tshimbila zwiṭaraṭani zwa Mudzimu, a tshi kha di zwi vhabona. Seli ha iyi mirunzi ya fhethu hu faho, u kha di zwi vhabona.

⁵² Khaladzi Bell, vhunga ri tshi mu ḋivha, o vha a sa shoni vhuṭanzi hawe. Hu si na na tshifhinga na tshithihi tshire hovha na u shona vhuṭanzi hawe. Hu si na na luthihi o vha a tshi ofha u amba tshiñwe tshithu. O zwi vhonadza, huno o vha a sa shoni. Nga ndila ye nda mu vhonadza, huno mitodzi i tshi khou elela maramani awe. Nda mu vhonadza o ima hafha kha phuluphithi, huno vha imba dzinyimbo dze dza vha dzi tshi do ita uri tshivhidzo tshoṭhe tshi ye kha u zhamba, ha Shango, li vhe kule nga nn̄da ha hafha. O vha a sa shoni. O nea u vhonadza hawe huñwe na huñwe. Muhura muñwe na muñwe, tshivhidzo tshiñwe na tshiñwe, huñwe na huñwe he a vha a tshi vha hone, o ḋidivhadza, a vhonadza zwe a elekanya nga ha Mudzimu. Ho vha hu vhotshilo hawe, zwoṭhe zwe a kona u vha zwone, o sumbedza zwe a vha e zwone kha Kristo Yesu, tshivhumbwa tshiswa tsho bebwaho.

⁵³ Vho vha vhe khonani yavhuđi kha mme anga vha kale vha funwaho vhe—vhe vha gonya zwiṭepisi zwi fanaho, vhege dzi si gathi dzo fhiraho. Namusi, vha fhetħu huthihi.

⁵⁴ Ndi tshithu tshi mangadzaho-de, u vhonadza, ndila ine Mudzimu a ita. Maledere awe; Khaladzi Bell. Tshifhinga tshoṭhe ndi tshi da hayani, Billy, murwa wanga, u do nndisela tshigwada tsha marifhi, ḥingo dza luṭingo, lu sa fhidzi, u bva kha Khaladzi Bell. “Rabelelani *uyu* muñwe. Rabelela *ula* muñwe.” Izwo, naa ho vha hu tshi khou itani? Kha nne, uho ndi vhonadza hawe, ene a tshi khou divhadza zwe zwa vha zwi nga ngomu hawe; muhwalo wa kha vħathu sa ene, muhwalo wa vħana vhaw, muhwalo wa muñwe na muñwe we a vha e hone u mona hoṭhe, na muthu muñwe na muñwe a lwalaho.

⁵⁵ Khaladzi Bell o ḫoda u tshila nga tshilidzi tsha Mudzimu, miñwaha i si gathi yo fhiraho. O vha e mutendi a fulufhedzeaho kha maanda a phodzo ya Mudzimu. Huno zwo bvelela nga u ralo vhuñwe vhusiku . . . a thi athu vhuya nda ralo vhotshiloni hanga nda mu rabelela, huno a rabela na mukhethwa uł-a funeaho wa kale, u swika, nn̄dani ha musi Mudzimu o mu fhodza.

⁵⁶ Huno vhuñwe vhusiku, musi ndo vhidzwa, nda tou dzhena ndi tshi bva ngei Arizona, hune ha ḫodou vha vhukati ha vhusiku. Vha vhidza murwa wanga huno vha ri, “Khaladzi Shepherd, khonani ya Khaladzi Bell, u ḫoda inwi ni tshi mu rabelela. U sibadela.” Ndo zwi pfesesa uri ndi ene Khaladzi Shepherd; muñwe mufumakadzi, khamusi ngomu tshifhaṭoni zwino, nga dzina la Shepherd, uri o ḋivha. Ndo elekanya uri o vha e sibadela.

⁵⁷ Nga matsheloni a tevhelaho vha founa murahu, nga i no nga fuminthihi, huno vha ri, “A si Khaladzi Shepherd. Ndi Khaladzi Bell, ene muñe, u sibadela.” Huno u vhonadza, ya vhuṭali ho newaho na puṭane ya Mudzimu. Phanda ha musi a tshi swika heneffo, Khaladzi Bell o vha o no gonya Zwiṭepisi zwa musuku.

Ndi sa athu swika heneffo, Mudzimu o ḥomola dzuvha Lawe la muvhala, u ita ngade Yawe ya Nwahagidi. Ndi sa athu vhuya nda swika heneffo, o vha o ya u ḥangana na Mudzimu. U vhonadzwa ha Mudzimu ha lufuno Lwawe!

⁵⁸ Iyi miňwaha yothe ya mbingano yo takalaho yo vha i u vhonadza ha u fulufhedzea hawe sa mufumakadzi, u itela munna wawe haya na vhana vhawe. Izwo zwo qibula nga zwifhinga zwi kondaho, musi vhatuku vhaqku u mona na ḥafula, huno vha tshi konda. Huno, mme, zwi dzhia mme u divha uri zwithu zwi vheiswa hani fhethu huthihi, u zwi ita uri zwi dzule—dzule, musi milomo miňku i na ndala yo dzula u mona na ḥafula. Fhedzi, u ima na munna wawe, u fulufhedzea, u ima na vhana vhawe, ho vha hu u vhonadziwa ha u fulufhedzea ha vhukuma. Izwo ndi phanda ha muňwe na muňwe wanu. Ndo vha ndi si nga tei u amba hezwo. Ni a divha uri izwo ndi ngoho. Ni a vhona? Ee, muňe wanga.

⁵⁹ Huno ene na khathihi a sa kundelwi u itela vhana vhawe! A thi tendi uri ndi vhuya nda ḥangana nae, kana u mu ḥutshela, hu si na ene a tshi khou humbeli khumbelo ya avho vhana. Izwo zwo sumbedza vhumme ha vhukuma, a tshi divha uri vhutshilo ndi muloro kana fhethu ha u lugela. U itela vhana vhawe, o vha a tshi ḥoda u ḥangana navho kha Shango seli ha hafha, hune hu sa do vha na zwifhinga zwi kondaho. O vha a tshi dzulela u ri kha nne... O mmbidza Mukomana Billy. O vha a tshi do ri, “Mukomana Billy, rabelelani vhana vhanga, a hu na na muthihi wavho a no do xela.” Arali izwo zwi sa khou vhonadza vhumme ha vhukuma; mme a re na dzangalelo kha vhana vhawe, vha na dzangalelo kha vhadzulatsini vhavho, munna wawe, mufuňwa wawe! Ndi Mudzimu kha musadzi, a tshi khou vhonadza zwithu zwa U Ya Nga Hu Sa Pheli.

⁶⁰ Ndi pfela hani munna wawe vhuťungu, khonani yanga yavhudzi. Ndi pfela hani vhuťungu avho vhatukana, u pfa mulaedza wa vhaňwe vhavho ngei Germany na fhethu ho fhambanaho, mme vho ḥuwa. Fhedzi a nga vha o ḥuwa vhuňoneni hau hafha, vhatukana, fhedzi ha—ha ngo fa. U ya tshila lwa tshothe. U khou tshila kha Shango le a rabela uri muňwe na muňwe wanu a ḥangane nae. Ni songo mu tendela a tshi shonisiwa. Ndi na ngoho ya uri ha nga do ralo.

⁶¹ Ndi vhona tshipoko tshithihi tsho bva kha vibili, masiari ano. Ndi a elelwa musi tsha u thoma tshipoko tsho bva muňani wanga. Muthihi nga muthihi, vha do wa. A zwi nga dzhii tshifhinga tshilapfu. Thetshelesani. Illo vibili li nga kona u vha tshithi tshithihi hafhu, kha liňwe Shango hune ha sa vhe na mavhili o kwasheaho, hune ekonomi khulwane ya Mudzimu i nga kona u waniwa huno ya kona u kunguluwa kha zwikhathi. Ngavhe zwi tshi vha nga iyo ndila, muňa. No dzulela u vha na mme; zwino ivhani nae lwa tshothe. Ndi zwone.

⁶² Tshirinwe tshithu tshe tsha vhonadza lufuno lwa Mudzimu. Vhunga ndi tshi pfesesa, uri, khumbelo yawe yo vha i ya uri ha nga do aluwa nahone a lenga u mona, u dzulelsa u mona na u takuľwa u mona kha vhualuwa, huno o holefhalala na—na u lwala, na u fa nga zwiťuku. Mudzimu o tendela iyo khumbelo. Izwo ndi zwone. Mulandu, Swondaha dzi si gathi fhedzi dzo fhiraho, o vha o ima hafha kha bannga dza tshivhidzo, a tshi khou imba Mafhungo-mađifha a vhugala a Kristo.

⁶³ Naa ndi mini? Naa ndi mini izwi zwa mme, zwi vhonala, tshi sa athu swika, nga vhukale ha furathi ḥhanu, a tshi ṭuwa? Naa izwo zwi amba mini? Ndi Mudzimu a no khou Divhonadza, u ri, “Ha nga vha dzimi tshithu tshavhuđi kha avho vhane vha do tshimbila vho luga phanda Hawe.” Mudzimu, a tshi khou vhonadza kha lufu lwawe lwonolwo luthihi, ndi Mudzimu a tshi khou vhonadza kha riňe, uri Ndi ene Mudzimu, huno U do nea avho lutamo lwa mbilu Yawe, mbilu dzavho, vhane vha do tshimbila vho luga phanda Hawe.

⁶⁴ Ri tshi vhona hezwi, uri ndi Ene Mudzimu, huno rothe ri tea u da hafha fhethu, zwenezwo kha ri lavhelese luswayo Lwawe lwa u vhonadza. Lufuno Lwawe, Tshivhidzo Tshawe, vhatu VHawe, na tshirinwe na tshirinwe tshire tsha vha tshone, ndi zwothe zwine zwa vhonadza Mudzimu kha riňe. Zwenezwo ndi elekanya uri rothe ri tea u kotamisa zwifhaťuwo zwashu nga u ditukufhadza huno ra livhuwa Mudzimu kha vhuno vhutshilo vhune, nga kha Kristo, o kunda na lufu lwone luňe.

⁶⁵ Huno zwenezwo Maipfi a Yesu musi O ya kha nwananyana wa Yairo, “Ho ngo fa, fhedzi o edela.” O ya khofheni hawe, huno hu si kha lufu lwawe. Ngauri o fa miňwaha minzhi yo fhiraho, sa musidzanyana, huno zwino u tshila kha Kristo; huno vho edela fhedzi, kha riňe, fhedzi vha karuwa na Kristo.

⁶⁶ Kha ri kotamise zwifhaťuwo zwashu zwenezwo huno ri nee ndivhuwo ya uvhu vhutshilo ha tshivhindi.

⁶⁷ Khotsi wa Tadulu, a hu na zwinwe U divha mbilu dzashu, a hu na zwinwe U divha mihumbulo ḥhalukanyoni dzashu. U a divha zwothe nga ha riňe. Ri Tsiko ya tshanda Tshau. U a divha uri ri humbelo pfarelo u vhona Khaladzi Bell a tshi ṭuswa kha riňe. Fhedzi, Mudzimu, ri khou kotamisa zwifhaťuwo zwashu na dzimbiļu, nga u livhuwa uri khumbelo yawe yo tendelwa, na uri lutamo Lwau khae lwo vuledzwa. Uri, na hafha magumoni a ndila, musi nganeavhutshilo yawe yo nwalwa vhutshiloni ha muňwe na muňwe we a kwamana nae, uri o vha e mulanda Wau. ḥthuhuwedzo yawe nga vhe i tshi sala lwa tshifhinga tshilapfu kha mbilu dza vhothe vha muđivhaho. Mudzimu, ri rabela uri U do awedza maya wawe wa vhudi kha ilo Shango le a li funa, huno a amba nga halo nahone a imba nga halo heyi miňwaha yothe.

⁶⁸ Ndi rabelela Jimmy, masiari ano, Murena. Musi ndi tshi mu vhona o dzula heneffho, huno u khou vhonadza mihumbulo

yawe sa miłodzi i tshi shingidzhela maramani awe. U khou elekanya ngā ha mufumakadzi a fulufhedzeaho. Huno kha havha vhana vhane, miłodzi i tshi khou elela maramani avho, vha khou elekanya nga mme vhavhuđi. Huno ri a rabela, Mudzimu, uri U do vha fhađutshedza. Khuthadza mbilu dzavho. Tharamudza itsho Tshanda, uri hu sa swikelwi tshiňwe tshithu-vho, tshire tshi nga ya mbiluni ya muthu, huno wa vha nea iyi pfusho khulwane, ya uri liňwe duvha ri do ḥangana hafhu, huno na khathihi a ri nga si vhe na iňwe tshumelo ya mbulungo Henengei.

⁶⁹ Fhađutshedza vhafunwa vhaweh, vhakomana vhaweh, dzikhaladzi dzawe, vhađuhulu vhavho, na vhadzulatsini vhaweh.

⁷⁰ Huno izwi zwivhidzo, Murena, ri a ḫivha uri vho mu funa hani. Musi o tshimbila vhukati hashu, vhone, o tshimbila vhukati havho. Huno rođe, navho, Murena, ri—ri kovha uvhu vhudipfi vhuhulwane ha u ḥangana, uri ro mu funa. Huno ri fhano ri tshi bula dzashu—dzashu—dzashu ndivhuwo kha Iwe, u itela vhutshilo haweh.

⁷¹ Ri vhumbe, Murena, huno u ri ite, uri riňe, na riňe-vho, musi ri tshi da magumoni a ndila, ri kone u lugela u ḥangana na Iwe. Hangwela zwivhi zwashu zwinzhi, O Mudzimu wa U Ya Nga Hu Sa Fheli. Ivha na khathutshelo kha riňe, Murena, ngauri ri a shaya nungo na u neta.

⁷² Huno ndi rabela uri U ri fhe khuthadzo, masiari ano. Ngavhe ri tshi zwi wana nga kha aya maipfi e a bulwa u bva kha Ipfi Lau, nga vhashumeli vho fhambanaho, huno avho vho odeinelwaho u qisa zwe raloho, na kha vhadzulatsini na dzikhonani. Ngavhe ri tshi wana ngomu heneffo, na vhuťanzi ha—ha maluvha, na miri, na maora, mađari, na—na nřha ha zweđhe, na Vhuhone ha Muya Mukhethwa, hune ha ḥanzuela myuwo ya Kristo. “A thi nga ni sii ni si na muimeleli. Ndi do rabela Khotsi, huno U do ni nea munwe Mukhuthadzi, nahone U do dzula e hone lini na lini.” Ōo, nga ndila ine ra Mu funa ngayo, Murena! Huno ri U livhuwa hani nga u Mu rumela kha riňe, uri nea uvhu vhuťanzi ho khwađhaho ha vhuđi nga awara na tshifhinga tsha khakhathi.

Zwino ri fhe nungo u itela u da ha tshumelo hu đaho.

⁷³ Ndi khou ḥoda u vhudzisa lwa tshipentshela, Murena, zwino u itela havha vhatukana vho dzulaho hafha kha dzhunifomo. Kha hu fhađutshedzwe avho vhatukana, vhunga vha tshi do tea u humela murahu maimoni avho. Fhedzi ndi a rabela, Murena, uri nga ilo duvha . . . Ri livhuwa idzi yunifomo dzine vha dici ambara zwino. Fhedzi ngavhe thabelo ya mme i tshi fhindulwa: ngavhe vha tshi ambadzwa vhukhethwa na u luga ha Yesu Kristo, nga ilo duvha. Vhasidzana, na vhođhe vho ḥangana, Murena, izwo ndi zwine ra ḥoda u vha zwone, maswole a Tshikriste, lutendo lwo khwađhaho zwa vhukuma. Ri endedze nahone u ri laedze u swika ilo duvha, Murena, musi ri tshi ḥangana hafhu.

⁷⁴ Ri a U livhuwa nga vhutshilo hawe zwino, na u rabela uri U do vha na riñe roñhe u swika ri tshi tangana milenzheni Yau. nga Dzina la Yesu ri a zwi humbela. Amen.



MBONADZO TSV62-0313
(Expressions)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga masiari a Łavhuvhili, Ḳhafamuwe 13, 1962, kha mbulungo ya Khaladzi Mary Bell ngei Thabereneakeṇi ya Branham fhaļa Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḥalutshedzo ya Tshivenda yo gandiswa huno ya phađaladzwa nga vha Voice Of God Recordings.

TSHIVENDA

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org